

■ ZULPRINS

Mia professiun da siemi: florist

Massimo Bundi ha 16 onns e fa actualmeins ses emprendissadi sco florist a Cuira en la fatschenta Urech Garten AG. En ils Zulprins raquinta el da sia professiun da siemi.

Jeu sundel oriunds dalla Val Medel ed habiteschel ussa a Cuera. Carschius si sundel sin in bein puril. Gia da pign ensi level jeu far enzatgei cun fluras. Aschia haiel ualti spert empiriu d'enconuscher la professiun dil florist. Jeu haiel frequentau gia enzacons fuffergnadis en quella sparta ed hai schon naven dall'entschatta saviu che quei ei enzatgei che va bein a prau cun mei.

Ils treis d'ust 2020 ei arrivau. Jeu sundel selegraas aschi fetg d'astgar entschiever miu emprendissadi. Bandunar il dacasa era tut curios. La canera dils auters muncava. Ina nova sparta dalla veta entscheiva. L'emprema notg cheu a Cuera haiel strusch durmiu. Jeu erel aschi nervus. La notg ei denton vargada spert aschia ch'jeu hai saviu entschiever l'auter di a luvrar. Ils emprems dus dis hai jeu giu cuors a Rorschach. Leu essan nus vegni introduci ella floristica. Nus havein survegniu in sguard en las tematicas culas qualas nus vegnin a s'occupar durant ils proxims treis onns. Durant quels dus dis haveinsa fatg in grond matg fluras, in matg da spigias ed ina pintga decoraziun da meisa en in canaster, in aschinumnu «Gesteck», per bien romontsch. Suenter quels dus dis a Rorschach haiel luvrau miu emprem di en fatschenta. Quei di ha plaschiu fetg bein a mi. Igl ei propi mia professiun da siemi! La scola professiunala frequentel jeu a Rorschach.

Suenter miu emprendissadi vi jeu luvrar vinavon sin quella professiun e sepefecziunar vinavon. In da mes gronds giavischs fuss dad haver ina atgna fatschenta. Tgisa sch'jeu saiel ademplir quei giavisch? Quei stat aunc ellas steilas. Denton haiel schon sin Instagram in pign canal, nua ch'jeu muossel fotografias da mias creaziuns. «Flowers by Bundi», aschia senumna quei canal. Avon ch'jeu tschontschel vinavon da miu futur, vi jeu mirar tgei ch'igl avegnir porta. Quei ei igl impurtont!

Da Massimo Bundi



Era fotografar e presentar sias creaziuns s'auda tier la lavur dil giuven florist. MAD

Ils «zulprins» fan sbrinzlas

(fmr) Ils «zulprins», uschia sa numna la rubrica per auturas ed auturs giuven, ina rubrica che cumpara en collavraziun da la GiuRu Gjuventetgna Rumantscha cun la FMR Fundaziun Medias Rumantschas. La finamira cuminaivla da GiuRu ed FMR è da dar spazi e vusch ad auturas ed auturs giuven. Ils «zulprins» duain damai far qua u là sbrinzlas!

Dapli infurmaziuns davart la GiuRu sin www.giuru.ch ubain via mail a giuru@giuru.ch.



■ GRATULAZIUN

Giubileums al Spital Surselva

Al Spital Regional Surselva a Glion asgtan treis collaboraturas e dus collaboraturats festivar il meins d'october in giubileum da survetsch. Dapi 35 onns lavura il menader dil survetsch tecnic dil spital, *Marcus Caduff* per l'instituziun. Sur *Alfred Cavelti* ei dapi 25 onns en funcziun sco plevon e pastur dallas olmas dil spital. *Rita Decurtins* lavura dapi 20 onns el spital regional sco assistenta dalla tgira e *Matilda Heini-Spescha* ei

15 onns collaboratura dalla linscharia. Vinavon sa *Martha Pelican-Flury* festivar il giubileum da 10 onns sco collaboratura dalla cafetaria.

La direenziun sco era collegas e collegs gratuleschan cordialmein als tschun giubilars per lur engaschi nunstunclenteivel sur tons onns. La direenziun engrazia ad els giavischond vinavon bia success e plascher en lur lavur pil Spital Regional Surselva.

La «Tavla Naira»

(fmr) La Quotidiana porscha a partir da quest onn ina «Tavla naira». Las tavlas nairas èn u eran pli baud las affischas cun tut las infurmaziuns uffizialas, da naschient-schas enfin mortoris, cun avis ed infurmaziuns da la vischnanca u da societads communalas.

Tar la «Tavla naira» da La Quotidiana sa tracti era dad in «plaz cumin», dad ina part da la gasetta betg realisada da la redacziun FMR, ma bain creada cun contribuziuns inoltradas da lecturas e lecturs: opiniuns, forum, necrologs, fotografias etc. Las contribuziuns ston esser signadas cun num da l'autur u da l'autura. I vegnan publitgadas mo contribuziuns rumantscha e talas che sa tegnan vi da la buna maniera.

Las contribuziuns na vegnan betg indemnadas cun in onurari. La redacziun FMR selectescha e redigia tenor basegn.

Vossas contribuziuns pudais trametter a la redacziun FMR: redacziun@fmr.ch, ubain per posta: FMR, Fundaziun Medias Rumantschas, Via da Masans 2, 7000 Cuira.



LA QUOTIDIANA

Editura: Samedia Press AG
 Editur: Hanspeter Lebrument
 CEO: Thomas Kundert

Editura Samedia
 Via Sommerau 32, 7007 Cuira;
 tel. 081 255 50 50,
 mail: verlag@samedia.ch

Redacziun responsabla:
 Fundaziun Medias Rumantschas (FMR):
 Schefredactor FMR: David Truttmann (dat)
 Substitut schefredactor FMR:
 Martin Cabalzar (mc)
 Redacziun FMR:
 Flurin Andry (fa), Augustin Beeli (abc),
 Sandro Buchli (sb), Andreas Cadonau (ac),
 Daniela Derungs (dd), Gabriela Desax (correctorat),
 Annatina Föll (afi), Hans Huonder (hh),
 Susi Rothmund (sr), Gion Nutegn Stigler (gns)

Adressas redacziunalas:
 FMR Fundaziun Medias Rumantschas,
 Via da Masans 2, 7000 Cuira, tel: 081 544 89 10
 mail: redacziun@fmr.ch

Surselva: tel. 081 544 89 18,
 mail: redacziun@fmr.ch
 Engiadina: tel. 081 544 89 16,
 mail: redacziun@fmr.ch
 Grischun Central: tel. 081 544 89 17
 mail: redacziun@fmr.ch

Servetsch d'abunents e da distribuziun:
 Via Sommerau 32, 7007 Cuira,
 tel. 0844 226 226,
 mail: abo@samedia.ch

Inserats:
 Samedia Promotion,
 Städtlistrasse 12, 7130 Glion
 tel. 081 920 07 17, fax 081 920 07 18,
 mail: ilanz.inserate@samedia.ch

La Quotidiana cumpara tschintg giadas ad emna
 Ediziun derasada: (Südstschweiz cumplet)
 69 795 exemplars, ediziun vendida 66 308 exem-
 plars, autentifizigà (WEMF, 2020)

© Samedia



FOTO DANIELA DERUNGS



Il pli bi ch'in carstgaun sa schar anavos ei in surrir sin la fatscha da quels che patratgan vid el.

Annunzia da mort ed engraziament

Car bab, tat, basat e frar. Nus essan trests che Ti eis ius aschi anetg e nunspitgadamein naven da nus, tonaton essan nus fetg engrazievels per il liung e bi temps che nus havein astgau passentar cun Tei.

Martin Giusep Casanova-Jacommet

2. April 1933 bis 3. Oktober 2020

Adressa da malencurada:
 Conny Monn-Casanova
 Via Curtin/Niregl 9
 7188 Sedrun

En carezia:
 Corsin e Sabine Casanova-Berendt, fegl
 Angelo e Steffi Casanova cun Selena ed Ophelia, beadi
 Nico Casanova e Tanja Vogel, beadi
 Prisca e Carli Casanova Columberg, feglia
 Carlo Beer, beadi
 Andrea e Corsin Cavegn-Berendt cun Vlin, beadia
 Conny e Gabriel Monn-Casanova, feglia
 Joelle Monn e Linard Tambornino, beadia
 Julian Monn e Vanessa Venzin, beadi
 Lucia e Giusep Deflorin-Casanova, sora

La sepultura ha liug venderdis, ils 9 d'october 2020 allas 14.00 en baselgia parochiala s. Gions a Mustér.

Nus engraziein a tuts che han fatg dil bien al Martin durant sia veta. In spezial engraziament va a dr. Marcus Huonder sco era al meina casa ed al persunal dil center da sanadad PUNTREIS per la buna tgira.

Ei dat ussa buca pli ina condemnaziun per quels ch'ei en Cristus Jesus

brev als Romans 8,1